



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

CXVIII. Das Kloster Diesdorf verschreibt dem Ludolph Braschen gewisse  
Kornpächte, im Jahre 1427.

---

---

**Nutzungsbedingungen**

[urn:nbn:de:hbz:466:1-54934](#)

CXVII. Der Rath der Altstadt Salzwedel befndet die Aussetzung einer Leibrente für Adelheid Hartwig, Klosterjungfrau in Diesdorf, am 21. Mai 1425.

Wy Tyde Wolter, Hans Vngnade, Hans Buk, Claus Kütze, Wylhelm bormeister, Claws erkneue, Dyderik mechow, Hennik dorheyde, Hans schermer, Hennig wopeld, kersten schulte vnd dyderik laghedorpe, Ratmanne der Oldenstad Soltwedel, Bekennen vnd betugen openbar in dessem bryue, Dat vor vns syn gewest her johann hartwich, prister, Wolter, hoyr vnd Andreas, broder, vse borger, geheten de hartwyge, vnd hebbent gewilkoret vnd gelaten Alheyde, hoyr hartwiges dochter, begheuen in dem kloster to Distorppe, twe punt pennige iarlikes tynses vnd Rente to den tyden eres leuendes, De zee schal hebbent vnd alle iarlikes vpboren in dessen nascreuen eruen vnd boden, Alze in Elzeben, ludeke Markgreue frowen erue, stande in den hoken ene mark pennige vnde in Hans iordens bode in den hoken ene mark penn. vnd in junge hans schyuen erue, stande an deme orde vor deme Bokhoringe dore, achte schilling penninge, de wyle dat zee leuet. Wan zee auer van dodes wegen avegheyt, so schullen de twe punt penninge iarlike rente wedder vallen an de vorbenomeden hartwyge vnd ere rechten eruen. To tuge desser vorscreuen stücke hebbe wy vnszer Stad Ingesegeit witlichen henghen laten an dessen breff, Gegheuen na godes bort virteyhundert iar, dar na in dem viß vnd twyntigisten iar, des Mandages na der hymmeluart vnses heren.

Nach dem Orig. des Salzw. Archives XVI, 9.

CXVIII. Das Kloster Diesdorf verschreibt dem Ludolph Braschen gewisse Kornpächte, im Jahre 1427.

We, her Lüder Verdemann, prouest tho Distorppe, de priorinne vnde ganze Samninghe dessuluen Closters, we bekennen apenbare en dessem breue vor alesweme, dat we schuldigh sint rechter Schuld Ludolfo Braschen, sien rechten eruen vnd den hebbere desses breues mid eren willen, XX wichimten roggen, de se schollen nemen vd vsem Gude tho lütken Lydheern vd dem dorpe XI wichimten vnd ut dem dorpe to Mere IX wichimten, vnde de schollen en vse Lüde gheuen, de vse des vorscreuen tynses plchtig sind vt den vorscreuen tween dörpern — in dessen tokomenden achtē dagēn Sünte Michaelis Ludolfo Braschen, synen eruen vnd den hebber desses breues. Schēge des nicht in den achtē dagēn, so will we dem prouelte dat wilik doen, de schall vs senden fine dener, dat se vs dat helpen vtpanden in den achtē dagēn, dar na dat we bered werden. Wer auer, dat de prouest der vs nicht en fende, alse hir vorscreuen is fine dener, so scholle we dat fuluen vtpanden. Des tho ener grōteren betuchnisse hebbe we vse inghefegel ghehangen heten an dessen breu, dede ghegeuen is na Godesbort M<sup>o</sup>. CCCC<sup>o</sup>, dar nah in dem XXVII. jare.

Gedenk's Fragm. IV, 142. 143.